

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01 – 45-25709 /20

Z A P I S N I K
SA KONSTITUIRAJUĆE SJEDNICE
GRADSKOG VIJEĆA ZENICA

- održane 24. decembra 2020. godine -

Zenica, decembar 2020. godine

Z A P I S N I K
SA KONSTITUIRAJUĆE SJEDNICE GRADSKOG VIJEĆA ZENICA,
KOJA JE ODRŽANA 24. DECEMBRA 2020.GODINE

*Sjednica je počela s radom u 10.00 sati.
Sjednici je prisustvovalo 29 vijećnika.*

U skladu sa članom 24. stav (2) Statuta Grada Zenica („Službene novine Grada Zenica“, broj: 5/15) i članom 18. stav (2) Poslovnika Gradskog vijeća („Službene novine Grada Zenica“, broj. 4/17 i 4/20) prvu sjednicu saziva predsjedavajući Vijeća ranijeg saziva, a radom sjednice do izbora predsjedavajućeg rukovodi najstariji novoizabrani član Vijeća.

Prije početka sjednice vijećnici, Gradonačelnik i ostali prisutni odali su počast učenjem fatihe i minutom ćutanja Melihi Salčinović, preminuloj vijećnici Naše stranke iz saziva Gradskog vijeća 2016.-2020. godina.

Sjednicu je otvorila Diana Bešić, dosadašnja predsjedavajuća, a daljim radom sjednice rukovodio je Osman Šuvalić, najstariji vijećnik novog saziva.

Za današnju konstituirajuću sjednicu predložen je i jednoglasno usvojen sljedeći:

D N E V N I R E D:

1. Davanje svečane izjave vijećnika
2. Konstituiranje Gradskog vijeća Zenica:
 - a) Izbor predsjedavajućeg Gradskog vijeća Zenica
 - b) Izbor zamjenika predsjedavajućeg Gradskog vijeća Zenica
 - c) Izbor tri člana Radnog predsjedništva Gradskog vijeća Zenica
3. Imenovanje Komisije za izbor i imenovanja

TAČKA PRVA

- Davanje svečane izjave vijećnika

Vijećnici koji su prisustvovali današnjoj konstituirajućoj sjednici Vijeća dali su svečanu izjavu u skladu sa članom 4. Poslovnika Gradskog vijeća.

Potpisane svečane izjave vijećnici su po završetku sjednice predali predsjedavajućem Gradskog vijeća.

TAČKA DRUGA

- *Konstituiranje Gradskog vijeća Zenica:*
 - a) *Izbor predsjedavajućeg Gradskog vijeća*
 - b) *Izbor zamjenika predsjedavajućeg Gradskog vijeća*
 - c) *Izbor tri člana Radnog predsjedništva*

Voditelj sjednice je upoznao vijećnike da se, prema Poslovniku Gradskog vijeća, predsjedavajući Vijeća, zamjenik predsjedavajućeg Vijeća i članovi Radnog predsjedništva biraju iz reda članova Vijeća. Izbor se vrši tajnim glasanjem ukoliko Vijeće ne odluči drugačije. Tajno glasanje vrši se putem glasačkih listića, a javno glasanje dizanjem ruke (glasačkih kartica).

Vijećnici su se, bez rasprave, jednoglasno izjasnili za javno glasanje, nakon čega se pristupilo izboru predsjedavajućeg, zamjenika predsjedavajućeg i tri člana Radnog predsjedništva Gradskog vijeća Zenica i to:

a) Izbor predsjedavajućeg Gradskog vijeća Zenica

Konstatuje se da je prijedlog kandidata za izbor predsjedavajućeg Gradskog vijeća Zenica sljedeći:

1. *Almir Babajić (kandidat ZI-FK, SDP, NiP, NB, SBB).*

Nakon izjašnjavanja vijećnika javnim glasanjem o prijedlogu kandidata za predsjedavajućeg Gradskog vijeća Zenica konstatuje se da je Almir Babajić dobio 28 glasova „ZA“.

*Konstatuje se da je prema rezultatu javnog glasanja, kao kandidat koji je dobio potrebnu većinu glasova vijećnika, za predsjedavajućeg Gradskog vijeća izabran **Almir Babajić**.*

Daljim radom sjednice rukovodi novoizabrani predsjedavajući Vijeća Almir Babajić.

b) Izbor zamjenika predsjedavajućeg Gradskog vijeća Zenica

Konstatuje se da je prijedlog kandidata za izbor zamjenika predsjedavajućeg Vijeća sljedeći:

1. *Mirza Husetić (kandidat ZI-FK, SDP, NiP, NB, SBB)*

Nakon izjašnjavanja vijećnika javnim glasanjem o prijedlogu kandidata za zamjenika predsjedavajućeg Gradskog vijeća, konstatuje se da je Mirza Husetić dobio 28 glasova „ZA“.

Konstatuje se da je prema rezultatu javnog glasanja, kao kandidat koji je dobio potrebnu većinu glasova vijećnika, za zamjenika predsjedavajućeg Vijeća izabran **Mirza Husetić**.

c) Izbor tri člana Radnog predsjedništva Gradskog vijeća Zenica

Konstatuje se da je prijedlog kandidata za izbor tri člana Radnog predsjedništva Gradskog vijeća Zenica sljedeći:

1. Aida Halać (ZI-FK, SDP, NiP, NB, SBB)
2. Ekrem Tuka (ZI-FK, SDP, NiP, NB, SBB)
3. Mahdi Alić (ZI-FK, SDP, NiP, NB, SBB)
4. Albin Ćatić (A-SDA)

Nakon izjašnjavanja vijećnika javnim glasanjem o prijedlogu kandidata predsjedavajući Vijeća je konstatovao da su za članove Radnog predsjedništva sa 28 glasova „ZA“, kao kandidati sa najvećim brojem glasova, izabrani sljedeći kandidati:

- 1. Aida Halać**
- 2. Ekrem Tuka**
- 3. Mahdi Alić**

Nakon čestitanja novoizabranim članovima Radnog predsjedništva Gradskog vijeća, isti su zauzeli svoja mjesta, te je sjednica nastavila s radom.

TAČKA TREĆA

- Imenovanje Komisije za izbor i imenovanja

Predsjedavajući Vijeća upoznao je vijećnike da su, u skladu sa članom 34. Poslovnika Gradskog vijeća i prijedlogom klubova vijećnika političkih stranaka zastupljenih u Vijeću, u sastav Komisije za izbor i imenovanja predloženi sljedeći članovi Vijeća (vijećnici):

1. Kenan Uzunović, (Zenička Inicijativa – Fuad Kasumović)
2. Emina Tufekčić, (SDA)
3. Mehić Nermin, (SDP)
4. Rusmir Isak (A-SDA)
5. Ekrem Tuka (NB)
6. Edisej Sjerotanović (SBB)

7. Mahdi Alić (NAROD I PRAVDA)
8. Šuvalić Osman (NEZAVISNI KANDIDAT)

Vijećnici su sa 29 glasova „ZA“ (jednoglasno) usvojili navedeni prijedlog i imenovali Komisiju za izbor i imenovanja u predloženom sastavu.

Vijećnicima i građanima Grada Zenica zatim se obratio Fuad Kasumović, drugi put izabran za Gradonačelnika Grada Zenica uz čestitke vijećnicima novog saziva Vijeća.

Nakon izlaganja Gradonačelnika vijećnicima se obratio predsjedavajući Vijeća Almir Babajić.

Vijeću se, također, obratio vijećnik Šerif Patković.

Sjednica je zaključena i završila s radom u 10.42 sati.

Sastavni dio ovog zapisnika je magnetofonski snimak, na osnovu koga vijećnici mogu ostvariti uvid u diskusiju i isti je pohranjen u Stručnoj službi Gradskog vijeća.

PREDSJEDAVAJUĆI
Almir Babajić